

BOSNA I HERCEGOVINA
PARLAMENT FEDERACIJE BOSNE I HERCEGOVINE
DOM NARODA
n/r predsjedatelja Tomislava Martinovića

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Sarajevo, 03.05.2024. godine

Primljeno: 07-05-2024			
Org. jed.	Broj	Priloga	Vrijednost
02	-02-	1894	/20

PREDMET: Amandman na Prijedlog zakona o poduzetničkoj infrastrukturi

Na temelje članaka 8. 10. 177. i 178 .Poslovnika o radu Doma naroda Parlamenta Federacije Bosne i Hercegovine podnosim amandman na Prijedlog zakona o poduzetničkoj infrastrukturi.

S poštovanjem

Izaslanik
Ivan Ivić



AMANDMAN I

U članku 6. stavak (1) Prijedloga Zakona riječ „suda“ zamijenjuje se riječju: „tijela“.

Obrazloženje:

Člankom 6. stavkom (1) ovog Zakona propisano je: „Subjekti poduzetničke infrastrukture, u smislu ovog Zakona, su poduzetničke zone, poduzetničke potporne institucije i tehnološko-poduzetnički centri, registrirani kod **nadležnog suda** za registraciju određenog oblika poduzetničke infrastrukture.“

Smatram da bi bilo jednostavnije a sa istim učinkom da se registracija vrši u **nadležnim tijelima**, Ministarstvu pravde BiH, Federalnom ministarstvu pravde, Županijskim (kantonalnim) ministarstvima pravde, ovisno o području njihovog djelovanja.

U prilog tome ide i činjenica da su postojeće organizacije poduzetničke potporne infrastrukture registrirani u različitim organizacijskim oblicima (udruženja, klasteri, fondacije itd.), već registrirani sukladno državnim i federalnim zakonima o udruženjima i fondacijama, u navedenim tijelima (institucijama). Formulacija u članku 6. stavak (1) „registrirani kod **nadležnog suda**“ isključuje ih kao važeća udruženja, fondacije ili se moraju preregistrirati, što je nepotrebno.

Neke prijedloge izmjena na ovaj Zakon Vlada federacije je prihvatila ali nije prihvatila amandman na članak 6. stavak (1) uz obrazloženje da se „ovim zakonom želi uvesti red, te registraciju poduzetničkih potpornih institucija obaviti na jedmom mjestu tj. kod nadležnog suda.“

Red se ne će zvesti registracijom na sudu nego funkcioniranjem institucija.

Osim toga obrazloženje Vlade, kao i stavak(1) članka 6. Prijedloga zakona u koliziji je sa člancima 18. i 19. Prijedloga zakona kojim je decidirano utvrđeno da Ministarstvo uspostavlja i vodi Registar poduzetničke infrastrukture u koji se upisuju subjekti poduzetničke infrastrukture. Subjekti poduzetničke infrastrukture nakon registracije kod **nadležnog tijela** dužni su Ministarstvu podnijeti zahtjev za upis u Registar.

Znači bitan je nadzor rada, a on je u potpunosti pod kontrolom Ministarstva, a ne sudska registracija.

Isto tako, dato obrazloženje i navedeni članak 6. stavak (1) ovog Zakona suprotnosti je sa EU Aktom o malom biznisu. U izvješću „Indeks politike malih i srednjih poduzeća Zapadni Balkan i Turska 2022- procjena implementacije Akta za Europu“, jasno je naglašena bitna uloga udruženja i fondacija u implementaciji Akta i njihovog pozitivnog djelovanja kao poduzetničko potpornih institucija. A ove institucije su registrirane kod nadležnih tijela (ne sudova).

Dato obrazloženje je u koliziji i sa namjerama iznesenim u Strategiji razvoja Federacije Bosne i Hercegovine 2021 – 2027. U strateškom dokumentu se veoma jasno naglašava potreba zajedničkog djelovanja javnog, privatnog i civilnog sektora. Navode se i jasni primjeri rada i potrebe da se podrže poduzetničko potporne institucije (npr. 5 tehnoloških parkova, 15 poduzetničkih centara i dr) od kojih je većina reigstrirana kod **nadležnih tijela**.

Zbog navedenog, smatram da je nužna izmjena članka 6. stavka (1) Prijedloga zakona.